

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

«__» _____ 2014թ.

N ____-Ն

ք. Ստեփանակերտ

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2000
ԹՎԱԿԱՆԻ ՀՈՒԼԻՍԻ 11-Ի N 138 ՈՐՈՇՄԱՆ ՄԵՋ ԼՐԱՑՈՒՄՆԵՐ
ԿԱՏԱՐԵԼՈՒ ՄԱՍԻՆ

«Իրավական ակտերի մասին» Լեռնային Ղարաբաղի Հանրապետության օրենքի 71-րդ հոդվածին համապատասխան՝ Լեռնային Ղարաբաղի Հանրապետության կառավարությունը **որոշում է**.

1. Լեռնային Ղարաբաղի Հանրապետության կառավարության 2000 թվականի հուլիսի 11-ի «Լեռնային Ղարաբաղի Հանրապետությունում արտադրվող ակցիզային հարկով հարկման ենթակա որոշ ապրանքների ակցիզային դրոշմանիշերով դրոշմավորման մասին» N 138 որոշման մեջ կատարել հետևյալ լրացումները.

1) 1-ին կետը լրացնել հետևյալ բովանդակությամբ «ժ» ենթակետով.

«ժ) արտադրողների մոտ առկա՝ «2009» թվագրմամբ ակցիզային դրոշմանիշներով դրոշմավորված ալկոհոլային խմիչքների փաստացի մնացորդների վերադրոշմավորման կարգը՝ համաձայն հավելվածի».

2) որոշումը լրացնել նոր հավելվածով՝ համաձայն հավելվածի:

2. Սույն որոշումն ուժի մեջ է մտնում պաշտոնական հրապարակման օրվան հաջորդող օրվանից:

Հավելված
Լեռնային Ղարաբաղի
Հանրապետության կառավարության
2014 թվականի _____
N _____ որոշման

«Հավելված
Լեռնային Ղարաբաղի
Հանրապետության կառավարության
2000 թվականի հուլիսի 11-ի N 138 որոշման

Կ Ա Ր Գ

ԱՐՏԱԴՐՈՂՆԵՐԻ ՄՈՏ ԱՌԿԱ՝ «2009» ԹՎԱԳՐՄԱՄԲ ԱԿՑԻԶԱՅԻՆ ԴՐՈՇՄԱՆԻՇՆԵՐՈՎ ԴՐՈՇՄԱՎՈՐՎԱԾ ԱԼԿՈՆՈԼԱՅԻՆ ԽՄԻՉՔՆԵՐԻ ՓԱՍՏԱՑԻ ՄՆԱՑՈՐԴՆԵՐԻ ՎԵՐԱԴՐՈՇՄԱՎՈՐՄԱՆ

1. Սույն կարգով կանոնակարգվում են արտադրողների մոտ 2014 թվականի հունվարի 1-ի դրությամբ առկա «2009» թվագրմամբ ակցիզային դրոշմանիշներով դրոշմավորված ալկոհոլային խմիչքների փաստացի մնացորդների վերադրոշմավորման հետ կապված հարցերը:

2. 2014 թվականի հունվարի 1-ի դրությամբ արտադրողների մոտ առկա՝ «2009» թվագրմամբ ակցիզային դրոշմանիշներով դրոշմավորված ալկոհոլային խմիչքների (ինչպես չիրացված, այնպես էլ անմիջական գնորդների կողմից վերադրոշմավորման նպատակով վերադարձված) քանակի, դրանց վրա փակցված ակցիզային դրոշմանիշների համապատասխանությունը հարկային մարմնից սահմանված կարգով ձեռք բերված ակցիզային դրոշմանիշների հետ ճշտելու նպատակով Լեռնային Ղարաբաղի Հանրապետությունում պարտադիր դրոշմավորման ենթակա ալկոհոլային խմիչքներ արտադրողները մինչև 2014 թվականի փետրվարի 20-ը դիմում են ներկայացնում հարկային մարմին: Դիմումն ընդունվելուց հետո երկօրյա ժամկետում հարկային մարմնի ներկայացուցչի մասնակցությամբ արտադրողի մոտ գույքագրվում են առկա դրոշմավորված ալկոհոլային խմիչքները և կազմվում գույքագրման ակտ:

Պարտադիր դրոշմավորման ենթակա ալկոհոլային խմիչքներ արտադրողները վերադրոշմավորման նպատակով կարող են գնորդներից ընդունել իրենց տրամադրված ակցիզային դրոշմանիշներով դրոշմավորված և իրենց կողմից դուրս

գրված հաշիվ-ապրանքագրերով առաքված ալկոհոլային խմիչքներ: Նշված ալկոհոլային խմիչքների ընդունումը և վերադրոշմավորումից հետո վերադարձը պետք է կատարվի գրավոր կազմված ընդունման-հանձնման ակտի համաձայն, որում պարտադիր պետք է նշվեն մինչև վերադրոշմավորումը և վերադրոշմավորումից հետո ապրանքային մնացորդների վրա փակցրած ակցիզային դրոշմանիշների սերիան և համարը, ինչպես նաև առաքվող ապրանքների գրանցման գրքի համապատասխան առաքման գրանցման տողի համարը: Դրոշմավորողների (վերադրոշմավորողների) մոտ վերադրոշմավորման նպատակով ընդունված ալկոհոլային խմիչքների մասով իրականացվում է առանձնացված հաշվառում:

Գույքագրման արդյունքների հիման վրա կազմված ակտում նշված ալկոհոլային խմիչքների քանակը համարվում է նոր նմուշի ակցիզային դրոշմանիշներով վերադրոշմավորման ենթակա քանակ: Կազմված ակտերի մեկական օրինակները պահվում են հարկ վճարողի մոտ և հարկային մարմնում:

3. «2009» թվագրմամբ ակցիզային դրոշմանիշներով դրոշմավորված ալկոհոլային խմիչքների մնացորդները վերադրոշմավորելու նպատակով արտադրողներն ակցիզային նոր նմուշի դրոշմանիշները ձեռք են բերում սահմանված կարգով՝ ներկայացնելով դիմում համաձայն ձև N 1-ի ու «2009» թվագրմամբ ակցիզային դրոշմանիշներով դրոշմավորված ալկոհոլային խմիչքների փաստացի մնացորդների մասին տեղեկանք՝ համաձայն ձև N 2-ի:

4. Վերադրոշմավորումը կատարվում է դրոշմավորման մասին Լեռնային Ղարաբաղի Հանրապետության օրենսդրությամբ սահմանված կարգով:

Վերադրոշմավորումը կատարվում է հարկային մարմնի ներկայացուցչի մասնակցությամբ: Վերադրոշմավորումից հետո կազմվում է արձանագրություն՝ վերադրոշմավորված ալկոհոլային խմիչքների քանակի (ինչպես նաև ըստ համարների և ըստ տարողությունների օգտագործված (վնասված) ակցիզային դրոշմանիշների) մասին: Արձանագրության մեկական օրինակը՝ հաստատված մասնակիցների ստորագրություններով, տրվում է հարկ վճարողին և հարկային մարմնին:

Նշված արձանագրությանը համապատասխան արտադրողների մոտ առկա չիրացված ապրանքային մնացորդի վերադրոշմավորման համար օգտագործված ակցիզային նոր նմուշի դրոշմանիշների քանակի չափով օգտագործված են համարվում «2009» թվագրմամբ ակցիզային դրոշմանիշները:

5. Վերադրոշմավորման համար հատկացված ակցիզային դրոշմանիշների մասով իրականացվում է առանձնացված հաշվառում:»:

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ ՂԵԿԱՎԱՐ**

Լ.ԳՐԻԳՈՐՅԱՆ

ԼՂՀ ԿԱ ՀՊԾ _____ պետին
(հարկային մարմնի ստորաբաժանման անվանումը)

#

Տ Ե Ղ Ե Կ Ա Ն Ք

2014 ԹՎԱԿԱՆԻ ՀՈՒՆՎԱՐԻ 1-Ի ԴՐՈՒԹՅԱՄԲ ԱՌԿԱ՝ «2009» ԹՎԱԳՐՄԱՄԲ ԱԿՑԻԶԱՅԻՆ ԴՐՈՇՄԱՆԻՇՆԵՐՈՎ ԴՐՈՇՄԱՎՈՐՎԱԾ ԱԼԿՈՆՈԼԱՅԻՆ ԽՄԻՉՔՆԵՐԻ ՓԱՏՏԱՑԻ ՄՆԱՑՈՐԴՆԵՐԻ ՄԱՍԻՆ

#

(հիմք՝ գույքագրման ակտ N ____ կազմված «____» _____ 20 թ.)

Գրանցման N _____ «____» _____ 20 թ.

#

_____#
(հարկ վճարողի լրիվ անվանումը, գտնվելու վայրը)

#

_____#
(բանկային տվյալները, ՀՎՀՀ, պետական գրանցման (հաշվառման) համարը)

#

Սեփական արտադրության չիրացված ապրանքային մնացորդի համար

#

Հ/Հ	Ապրանքի անվանումը	ԱՏԳ ԱԱ ծածկագիրը	Տարայի տարողությունը#	2014թ. հունվարի 1-ի դրությամբ ապրանքային մնացորդը (շիշ)
#	#	#	#	
#	#	#	#	
#	#	#	#	
#	#	#	#	
#	#	#	#	

#

Անմիջական գնորդի կողմից վերադրոշմավորման նպատակով հանձնված արտադրանքի համար

#

Հ/Հ	Ապրանքի անվանումը	ԱՏԳ ԱԱ ծածկագիրը	Տարայի տարողությունը#	2014թ. հունվարի 1-ի դրությամբ ապրանքային մնացորդը (շիշ)#
#	#	#	#	#
#	#	#	#	#
‡	‡	‡	‡	‡
#	#	#	#	#
#	#	#	#	#

#

Տնօրեն՝

_____ (ստորագրությունը)

_____ (անունը, ազգանունը)

Գլխավոր հաշվապահ՝

_____ (ստորագրությունը)

_____ (անունը, ազգանունը)

#

#

Կ.Տ. # # # # «____» _____#20###թ.